

La ribeseyana.

<p>“Yo voi dime pa L’Habana Mio dulce ribeseyana yo voi dime y que dios me mate si nun volviera a buscate</p> <p>Voi dime qu’ellí hai dineru pal qu’aporta de viaxeru y namás pueda tornar contigo quiero casar</p> <p>Me dixo’l mozu embarcando y equí quedé yo llorando y a la Virxina de Guía pongo un ciriu nueche y día</p> <p>Y paso la nueche entera suañando con que viniera adicando pa la ría ximiendo pela firía.</p> <p>Lalero lalееееelo lalero la loooo.</p> <p>Y el tiempu vilu pasar, sin saber si pudo aportar. Hasta un día de mañana qu’aportó carta L’Habana</p> <p>“Yá llegué ribeseyana y nague pola mio xana voi matame a trabayar pa poder aina tornar”</p>	<p>Y púnxime gayolera viendo que l’amor venciera. Y tuvi la espera llarga naguando por otra carta</p> <p>Nun escribe de L’Habana escaeció la so xana nel cuellu d’una cubana perdíu tien el coral.</p> <p>Un día bien de mañana col cantu de la raitana vi un bregatín que venía entrando airoso na ría.</p> <p>Busqué ente los que veníen ente indianos que salíen, ellí nun taba’l mio alma, supe que nun tornaría</p> <p>Volvía pa casa llorando la xente diba pasando torné la cara buscando y vi que pel cai corría.</p> <p>Corriendo pel cai venía glayando sentí dicía: “Yá llegué ribeseyana a buscar lo que quería”</p>
---	--